

1686 г. января 18. Послание игумена Полоцкого Богоявленского монастыря Игнатия с братией патриарху московскому Иоакиму с просьбой предоставить обители право освящать церкви.

(Л. 98) Святейшему¹ и всеблаженнейшему и превысочайшему господину Иоакиму патриарху Московскому и всея Великия и Малыя, и Белья России и всея северныя страны, и Помориа и многих государств, чадолубивому отцу и архипастыреви всемилостивому.

Нижайший раб, недостойный старец Игнатий, Богоявленскаго православнаго полоцкаго монастыря игумен, со всею братиею до лица земли поклонение творит.

Аще² и по всем разумея себе быти всемилостивнаго архипастырскаго превысочайшия твоя святыни благодетелнаго дарования недостойных, но обаче не чуждых, далекаго ради от царственнаго града отстояния, в лютых бедах и гонениях страждущаго убогаго погорелаго Богоявленскаго полоцкаго нашего монастыря, призре на нас и далече сущих, отеческое твое благосердие, егда в прошлом 7172-м году³ пославше мы, недостойнии ваши богомолцы к пресветлому их царскому величеству и твоему присномилосердному архипастырскому благодетелству с челобитным прошением в конечной (л. 98 об.) нужди всея Белороссийския церкви, но неоскудно обретохом желаемое, твое архипастырское благословение и пресветлого их царскаго величества премногую милость, повелевшую приходящих из Литвы и Белой России нас живущих, в Смоленске и во Пскове воеводам приимати и святителем поставляти во иереи и диаконы, откуда многую отраду и помощь православие восприят. За что мы необименнаго во щедротах Бога усердно молити за пресветлое их царское величество и твоя святыни архипастырское многолетное здравие и душевное спасение должны есмы. К сему же и еще твоего архипастырскаго благословения, освященных мира и антимигов восприяхом дарование. И от сего мы, недостойнии ваши богомолцы премногую чадолубивую твоя святыни отеческую милость уразумевше, не отчаеваемся, аще смятени и отвержени есмы ухищрением римскаго зломыслия, возбранившаго в нас православным пастырем быти, но словесем самаго владыки Христа последующе, бежим от града прелести, ко ограде живаго Бога, бежим на горы превысочайшия твоя архипастырския области, от лютой того гонения беды. Люта беда овцам быти без пастырей, обыде сия беда гонящая нас, глад крепок постиже, не хлеба, но истиннаго учения пастырскаго сана правления, откуда ныне в нас (л. 99) многия церкви не имеют литургии, без освящения. Милосердствуй о нас

¹ Первая буква в слове написана красными чернилами.

² Первая буква в слове написана красными чернилами.

³ Дата, по всей видимости ошибочная. С просьбой о поставлении кандидатов в священники и дьяконы в Смоленске и Пскове полоцкие монахи присылали в Москву своих представителей в начале 1684 г. То есть в тексте должно быть «7192-м году».

чадолюбием отчим святейший всея России православный патриарх, внуши прошение наше, препосли архипастырское свое благословение на освящение церквей, егда и нашего монастыря строение церковное даст Господь Бог совершится ко четырем престолом, первый престол с церковью Богоявления Господня, второй престол в пределе Рождества Приснодевы Богородицы, третий в пределе великомученика и победоносца Христова Георгия, трапеза тоже, аще Господь Бог изволит устроить, такожде и иныя церкви требующыя освящения. В чем усердно со смирением твою молим святыню, благоволи нам, дабы твое архипастырское благословение на освящение церквей было при игуменах Богоявленскаго православнаго полоцкаго нашего монастыря в будущая времена утверждена ради нужднаго проезду до царственнаго рада Москвы, докол не начнут в нас быти православныя пастыри. А ныне нас, неимущих православных пастырей, прими превысочайший архиерею, под свою архипастырскую высокую руку яко же прежде во 166-м году святейший патриарху Никоном прияти быхом⁴. И сего свидетелства грамота в нас сгоре в пожар, токмо список имеюще, прилежно молим, не остави нас сирых, ниже подаждь истаявшим от глада каменное (л. 99 об.) претыкание, то яко чадолюбивый отец приемши, архипастырское свое благоволи нам на освящение церквей преподати благословение. Его же мы недостойнии твои богомолцы усердно восприяти желающе, до лица земли челом бьем.

Из Богоявленскаго православнаго полоцкаго монастыря 7194-го году, месяца ианнуаря 18 дня твоея превысочайшаго архипастырства святыни нижайшии раби и всегдашнии богомолцы, Игнатий Жигимонтов, монастира православнаго полоцкаго святых Богоявлений, игумен со всею о Христе братиею.

*Российская национальная библиотека. Рукописный сборник «Икона». Л. 98–99 об.
Опубликовано: Архив ЮЗР. Т. 1. Ч. 5. № 62. С. 229–231.*

⁴ О даровании Никоном ставропигии полоцкому Богоявленскому монастырю см.: Харлампович К.В. Малороссийское влияние... С. 171. Примечание 4. Текст грамоты Никона см.: Белорусский архив древних грамот (Далее – БАДГ). Ч. 1. М., 1824. С. 109–111.